

ԸՆՏԱՆԻՔԻ ՀԱՄԱԿԱՐԳՈՒՄ ԱԶԱԿՅՈՒԹԻՒՆ (CFS)

ՏԵՂԵԿԱՏՈՒՄԱՆ ԹԵՐԹԻԿ՝ ՍՊԱՌՈՂՆԵՐՈՒ ԵՒ ԸՆՏԱՆԻՔՆԵՐՈՒ ՀԱՄԱՐ

Ի՞նչ է CFS-ը:

CFS-ը նոր ծառայություն մըն է, որ մշակուած է զարգացման հաշմանդամություն ունեցող այն չափահասներուն համար, որոնք կ'ընտրեն իրենց ընտանիքներուն հետ ապրիլ: CFS-ը ստեղծուած է իբրեւ արձագանգ ընտանիքներուն կողմէ տրամադրուած այն տեղեկություններուն, թէ բացակայ են մատչելի ծառայություններ՝ ընտանեկան տան մէջ ապրիլ ուզող չափահաս սպառողներուն համար:

CFS ծառայությունները պիտի ըլլան պատշաճեցուած, անհատականացուած եւ ճկուն՝ բաւարարելու ծառայություն ստացող անձին եւ անոր ընտանիքին/խնամողին փոխուող կարիքներն ու նախասիրությունները:

CFS-ի աջակցությունը

CFS-ը մշակուած է, որպէսզի օգնէ ձեզի եւ ձեր ընտանիքին՝ ձեր ստացած ծառայությունները համակարգելու եւ ծրագրաւորելու համար: CFS-ը կրնայ աջակցիլ ձեզի եւ ձեր ընտանիքին՝ ձեր ախտորոշման մասին յաւելեալ տեղեկություններ ստանալու, օգնել՝ ձեր ապագան ծրագրելու, ինչպէս նաեւ տեղեկանալու, թէ ինչպէ՛ս կարելի է ձեզի համապատասխանող յաւելեալ ծառայություններ ստանալ: CFS-ը կրնայ պատրաստութեան դասընթացքներ տրամադրել անոնց, որոնք ձեզի ծառայություններ կը մատուցեն, որպէսզի անոնք աւելի լաւ պատրաստուած ըլլան ձեզի եւ ձեր ընտանիքին հետ աշխատելու: CFS-ը կրնայ ձեզի օգնել՝ գտնելու փոխադրութեան միջոցներ, օժանդակ ծառայություն մատուցողներ եւ օգնել ձեզի տեղեկանալու ձեր շրջանին մէջ գտնուող ինքնաքաջալերական խումբերու մասին: CFS-ը պիտի տրամադրուի ձեր լեզուով եւ ձեր մշակոյթին նկատմամբ յարգալից մօտեցումով: Դուք պիտի նպաստէք մշակելու եւ պատշաճեցնելու ձեր CFS ծառայությունը:

Ո՞վ կրնայ CFS ստանալ:

CFS-ը նախատեսուած է 18 տարեկան եւ անկէ վեր եղող չափահասներուն համար, որոնք կ'ապրին իրենց ընտանիքներուն հետ եւ ծառայություններ կը ստանան Շրջանային կեդրոնի մը կողմէ:



Ինչպե՞ս կրնամ CFS-ին արձանագրուիլ:

Եթե դուք կ'ապրիք ձեր ընտանեկան տան մեջ եւ կը կարծեք, որ CFS-ի կարիքը ունիք, տեղեակ պահեցէք ձեր Շրջանային կեդրոնի ծառայութեան համակարգողը: Անոնք կը ծրագրեն IPP խումբի հանդիպում մը՝ որոշելու, թէ ինչպե՞ս կրնայ CFS-ը օգնել ձեզի եւ ձեր ընտանիքին: Եթէ յարմար նկատուիք CFS-ի համար, CFS տրամադրող մը կը հանդիպի ձեզի եւ ձեր ընտանիքին հետ՝ քննարկելու, թէ ի՞նչ նպատակներ կ'ուզէք իրականացնել CFS-ի միջոցով: CFS տրամադրողը ձեզի եւ ձեր ընտանիքին հետ կը պատրաստէ ծրագիր մը, որուն մեջ կը ճշդուին այն ծառայութիւնները, որոնց կարիքը ունիք, եւ կը նշուին, թէ CFS տրամադրողը ինչպե՞ս պիտի օգնէ ձեզի:

CFS-ի հարցախոյզ

Զարգացման ծառայութիւններու բաժանմունքը կ'ուզէ իմանալ, թէ ինչպե՞ս CFS-ը օգտակար կը դառնայ ձեզի եւ ձեր ընտանիքին: Ձեզմէ պիտի պահանջուի ամբողջացնել շատ կարճ հարցախոյզ մը, երբ ծառայութիւնները սկսիք ստանալ, եւ հաւանաբար մէկ կամ երկու անգամ՝ ծառայութիւնները ստանալու ժամանակ: Ասիկա կ'օգնէ Բաժանմունքին՝ իմանալու, թէ որքանո՞վ CFS-ը ձեռնտու է ձեզի եւ ձեր ընտանիքին համար:

